

金石萃編

第一函
五冊

鄭氏藏書

PDG

金石萃編卷十四

賜進士出身

誥授光祿大夫刑部右侍郎加七級王祖謨

漢十

李翕西狹頌

磨崖在五瑞圖後高八尺八寸廣六尺二十行行二十字額題惠安西表四字篆書年月後題名高二尺七寸五分廣二尺三寸五分十二行

漢武都太守漢陽阿陽李君諱翕字伯都

天姿明敏敦詩悅禮膺祿美厚繼世郎吏

多而宿衛弱冠典城胥阿鄭之化是曰三

葑苻守毀黃龍嘉禾木連甘露之瑞動順

經古先以已博愛陳之已德義示之已好
惠不肅而成不嚴而治朝中惟靜威儀抑
抑督郡郡職不出府門政約令行強不暴
竄知不詐愚屬縣起教無對會之事傲外
來庭面縛二千餘人奉穀屢登倉庫惟億
百姓有蓄粟麥五錢郡西狹中道危難阻
峻緣崖俾閣兩山壁立隆崇造雪下育不
測之谿阨芒促迫財商車騎進不能濟息
不得駐數有顛覆賈陵之虞過者創楚悌
悌其慄君踐其險若沙淵水嘆曰詩所謂

如集于木如臨于谷斯其殆哉困其事則
為設備今不圖之為患無已勅衡官有秩
李瑾掾仇闇因常繇道廷鐸燒破祈刻石
確嵬減高就埤平夷正曲桺鉞土石堅固
廣大可已夜涉四方无難行人懽懽民歌
德惠穆如清風石刊斯石曰
赫赫明后柔嘉惟則克長克君牧守三國
三國清平詠歌懿德瑞降豐稔民曰貨種
威恩並隆遠人賓服鐸山浚瀆路已安直
繼禹之迹亦世賴福

建寧四年六月十三日王寅造時府

丞右扶風陳倉呂國字文寶

門下掾下拜李震字子行故從事

議曹掾下拜李旻字仲齊故從事

主簿下拜李遂字子華故從事

主簿上祿石祥字元祺

五官掾上祿張亢字惠紂故從事

功曹下拜姜納字元嗣故從事

尉曹史苾都王尼字孔光

衡官有秩下拜李瑾字瑋甫

從史位下拜仇靖字漢德書文

下拜道長廣漢汁邠任詩字易起

下拜丞安定朝那皇甫字子巾

漢武都太守漢陽阿陽李翕西狹頌武都太守漢陽
阿陽李翕字伯都以郡之西狹閣道通梁益緣壁立
之山臨不測之溪危難阻峻數有顛覆震墜之害乃
與功曹吏李昊定筴勅衡官掾仇審治東坂有秩李
瑾治西坂鑿燒大石改高卽平正曲廣隄旣成人得
夷塗可以夜涉迺相與作頌刻石其頌有二其所識
一也其二立于建寧四年六月十三日壬寅其一

年六月三十日立也又稱翕嘗令澠池治峭嶽之道
有黃龍白鹿之瑞其後治武都又有嘉禾甘露木連
理之祥皆圖畫其像刻石在側蓋嘉祐之間晁仲約
質夫爲興州還京師得郾閣頌以遺余稱析里橋郾
閣漢武都太守阿陽李翕字伯都之所建以去沉沒
之患而翕字殘缺不可辨得歐陽永叔集古錄目跋
尾以爲李會余亦意其然及熙寧十年馬城中玉爲
轉運判官於江西出成州所得此頌以視余始知其
爲李翕也漢武帝元鼎六年以汧隴西南接於巴蜀
爲武都郡及其後始分而爲興州爲成州則武都之

上祿也。郿閣立於建寧五年。翕治嶺嶽西狹。郿閣之道有益於人。而史不傳。則頌之作。所以備史之闕。是則傳之亦不可以不廣也。

曾鞏南豐集

右西狹頌在成州。今之階成興鳳皆漢武都郡也。此碑靈帝建寧四年刻。彼兩碑皆次年刻者。歐得其一。趙得其二。天井一碑是時未出。南豐曾子固跋此碑云云。今集古之家。惟有壬寅一碑。李吳定筴碑中不見。天井吏屬却有李旻姓名。始知南豐非輕信異聞。必是西狹第二碑所載。近歲武都樵人斬刈藤蔓。始見石上有天井刻字。倚崖縛架。椎拓甚艱。寺僧或以

惡木蔽晦日後碑恐有此患

碑以蒟爲剖若爲窄隧爲墜桶爲踊植爲殖惠

卽惡字

隸釋

西狹頌十九行行二十字未有一行書年月又有小

字題名二行低四字許右武都丞呂國十二人題

名在天井磨崖之後其仇靖字漢德書文者揮翰遣

詞皆斯人也郝閣題名云從史位字漢德爲此頌中

間姓名剗缺得此乃知前碑亦仇所作漢志武都郡

七城一曰下辨二曰武都道此一下辨道長任詩則

漢志闕一道字

隸續

翕諱君羨開平道路作磨崖頌漢建寧四年造今碑

在魚竅峽

天下輿地碑記

西狹頌今所傳拓本皆止此二十行行二十字隸續
云十九行者蓋不算年月一行故又云末有一行書
年月也又云後又有小字題名三行低四字許按今
隸釋刻本年月一行後有小字二行一曰丞右扶風
陳倉呂國字文寶一曰故府掾闕四孟字闕二又
按隸續第十一卷武都太守李翕天井道碑後有題

陳倉呂國字文寶一曰故府掾

闕四
字

孟子

字闕一

又

按隸續第十一卷武都太守李翕天井道碑後有題名十二行云云今按此題名弟一行正與隸釋所載西狹頌後小字題名之弟一行相合惟隸釋所載弟二行故府孟三字與此不同豈石本與摹寫板本偶

有失誤耶以愚意度之西狹頌年月一行末有時府
二字蓋謂是時府中之官丞某掾某也則此十二行
題名必是接西狹頌後者無疑而隸續云在天井磨
崖後恐洪氏兩得其拓本遂岐出耳以牛氏圖證之
益信也今日適得趙晉齋從西安寄來此十二行題
名拓本晉齋來札云此十二行實在西狹頌後頗與
隸釋所載牴牾頌額有惠安西表四篆字五瑞圖下
有下祿上辨題名三行見沔縣所拓全文一大紙然
後知之詢之搨工云圖頌刻于山石轉角處下臨深
潭艱于瑣椎故從來無全拓者又聞天井磨崖尚在

已屬沔令往訪拓竝目埃之四方先雖先卽无字雖
卽壅字言四方之人往來無壅塞也亦世賴福亦卽
奕字此皆洪所未釋者後十二行題名末行字子才

字今隸續板本作木誤

兩漢金石記

西狹頌云漢武都太守漢陽阿陽李君諱翕字伯都

云云續漢郡國志涼州部有武都郡禹貢嶓冢導漾

東流爲漢鄭康成曰地里志漾水出隴閼氏道至武

都爲漢至江夏謂之夏水見史記夏本紀集解文選

張平子南都賦李善注案鄭引地志云云者前志文

彼文冠以禹貢此古義也說文水部與志合至武都

上有東字與志相足也志又云武都郡武都縣東漢
水受氏道水一名沔過江夏謂之夏水入江與氏道
一條正相足與鄭亦合此碑郡西狹中道危難阻峻
兩山壁立下有不測之谿君踐其險若涉淵冰勅衡
官有秩李瑾掾仇審因常繇道徒饌燒破析滅高就
埤或卽東漢水所經矣續志漢陽郡本前漢天水郡
明帝永平十七年更名此則李翕之本貫

王鳴盛
蛾術編

碑前有小字二行云君昔在龜池修峭嶽之道德治
精通致黃龍白鹿之瑞故圖畫其像而碑文亦云三
荀符守致黃龍嘉禾木連甘露之瑞蓋洪氏所謂龜

池五瑞碑者本與此碑首尾爲一五瑞圖像當在小
字二行之前拓碑人不知而遺之可惜已李翁在武
都吏民立碑頌德不一而足而後漢書皇甫規傳稱
屬國都尉李翁多殺降羌倚恃權貴不尊法度規到
官條奏其罪蓋後來治行或減於前而石刻亦容有
溢美也

潛研堂金石文跋尾

漢陽前漢爲天水郡永平十七年更名後有黃龍嘉
禾白鹿承露人木連理五瑞圖後云君昔在鼂池
修肴歛之道致此瑞因其地異故洪氏分爲二碑實
非也肴阪謂之肴歛者因公羊傳以爲歛巖故也攷

說文亦謂之岑峯

關中金石記

曾子固跋云其頌有二其所識一也其一立于建寧

四年六月十三日壬寅其一是年六月三十日立以

余今所得本與子固跋參校蓋爲有異子固跋云與

功曹史李昊

李昊隸釋作李昊

定策勅衡官掾仇審治東坂

有秩李瑾治西坂今此本但云勅衡官有秩李瑾掾

仇審而已又不言與李昊定策則知子固所跋爲六

月十三日立而余所見正爲六月三十日刻石者也

百官公卿表水衡都尉屬有衡官又衡官亦屬少府

百官志水衡都尉世祖省每立秋飭劉之曰輒暫置

水衡都尉漢官舊儀罷中二千石詹事水衡都尉又
省水衡屬官則衡官屬水衡者自建武以來已去此
制今頌乃云勅衡官或因有事興作亦暫置郡中耶
容齋隨筆漢官多有不書于百官表而因事乃見者
如行冤獄使者因張敞殺絮舜而見美俗使者因何
並代嚴詡而見河堤使者因王延世塞決河而見有
指使者因暴勝之而見豈非因事置官事已卽罷乎
抑卽郡中所謂工官都官而製文者遷就爲之遂不

悟其非制也

授堂金石跋

李翕電池五瑞圖

磨崖高六尺八寸五分廣四尺二寸圖上方左一龍
右一鹿下方左二樹交枝盤結中一禾九莖右一樹
樹下一人手執物上承之象題字六處圖後題字二
行圖下題名高一尺五寸廣一尺三行今在成縣

黃龍

白鹿

嘉禾

木連理

甘露降

承露人

君昔在黽池脩峰嶽之道德洽精通致黃

龍白鹿之瑞故圖畫其像

上官掾上祿上官也字君選

□□□□上祿楊嗣字文明